



Kamis, 26 Januari 2023
Ogen: Masmur 1:3



TURAH ITEPI LAU ANAK



Menurut sada artikel maka 1 batang kayu menghasilkan 1,2 kg oksigen perwari. Janah sekalak jelma merluken 0,5 kg oksigen perwari. Ertina, 1 batang kayu banci mereken oksigen man dua kalak jelma, udara bersih ras segar guna kegeluhen. Udara tanpa polusi, melket sierbahanca kita la sehat. Emaka lit selogan, 'menanam satu batang pohon' nelamatkan dua kalak manusia, jadi pahlawan kegeluhen. Luarbiasa kal ulih sibanci inanami manusia arah sada batang kayu. Emaka dikune kita nektek sada batang kayu, banci sikataken enggo si 'rampas' hak, bagin dua kalak jelma guna ndaken udara segar guna kegeluhenna, alu la nggalar. Adi sibandingkan kalak si arus erkesah alu nukur oksigen tep-tep warina. Emaka ibas paksa tenengta wari enda iajuk kita ikut muat bagin ibas gerakan sejuta pohon, enda jadi sada cara guna njagai doni enda rikut ras singgeluh ije.

Renungenta wari enda eme pemenan kitab Masmur nuriken kerna kegeluhen kalak si ermalem ate. Iandingkenna desken sada batang kayu siturah itepi lau anak. Lau anak, si la pernah kerah, kujeme njoler urat batang kayu e. ALu bage terjamin maka batangna e turah alu mehuli, rikut ras perkembangenna, paksa-paksa si arus jadi man bana la terlambat. Bulungna meratah dingen erbuah ibas paksana. Emaka erguna batang e bagi arusna ras siarapken. Bageme ikataken kegeluhen kalak si patuh man Dibata, sindeher ras nggeluh sentudu ras sura-sura Dibata sangap ibas kerina dampar geluhna.

Luar biasa andingen kerna sada batang kayu enda ndai, kehadirena mereken kegeluhen man kalak siisekelewetna. Malem ateta, sidat ras sibereken oksigen man kalak sidebansierbahanca ia nggeluh alu sehat ras mejuah-juah.